


La Bib pou ti moun prézanté

Ezekyèl, nonm vizyon yo



Ékri pa : Edward Hughes

Ilistré pa : Lazarus
Alastair Paterson

Adapté pa : Ruth Klassen


Tradwi pa : Ausky Salomon

Pwodwi pa : Bible for Children
www.M1914.org


©2025 Bible for Children, Inc.

Lisans : Ou gen dwa pou copyé o swa fè fotocopie istwa sa,
dépi sé pa pou van-n ou fè li.

Sa genyen lontan, puisan lame lènmi yo te atake Jida epi yo te mennen pèp la an kaptivite Babilòn. Lwen lakay yo, Jwif sa yo t ap viv toupre flèv Keba (Kebbar) a. Nan mitan yo te genyen Ezekyèl, yon pwofèt Bondye.



Yon jou, Bondye te bay Ezekyèl yon vizyon. Glwa Bondye te parèt tankou yon limyè klere, sou fòm kat bèt. Yo chak te genyen kat figi ak kat zèl. Sou yo te gen yon bagay ki te sanble ak yon pyè safi ki te gen fòm yon twòn. Lè Ezekyèl te wè sa, li te tonbe fas atè.




3

Bondye te pale ak Ezekyèl. "M ap voye w ale kote pitit Izrayèl yo. Di yo pawòl mwen yo, paske yo se yon bann rebèl." Yon men te parèt, li te kenbe yon liv an woulo. "Manje woulo sa a," Bondye te di l, "epi ale pale ak pèp Izrayèl la." Ala yon lòd etranj! Men, Ezekyèl te obeyi, li te manje woulo a, epi li t ale.




4

Lespri Bondye a te pran Ezekyèl epi li te pote l al depoze kote Juif yo ki te egzile nan yon lòt kote flèv Keba a. Li te rete la pandan sèt jou, etone pami yo. Apre sa, Bondye te fè Ezekyèl vin yon gad. Li te dwe avèti pèp mechan an pou li pa dezobeyi Bondye.



5



Ezekyèl te fè kèk bagay etranj pou li fè pèp la konprann pawòl Bondye a. Li te fè yon imaj Jerizalèm ki antoure ak yon gwo lame sou yon moso ajil. Petèt te gen kèk moun ki t ap gade pa dèyè sou zepòl li. Li te vle montre yo vil sen Bondye a t apural detwi byento.


6

Izrayèl, wayòm nò a, te dezobeyi Bondye pandan 390 lane, epi Jida, wayòm sid la, pandan 40 lane. Se poutèt sa Izrayèl te detwi, epi se poutèt sa Jida t apural tonbe byento. Bondye te di Ezekyèl pou li kouche sou bò gòch li pandan 390 jou, apre sa sou bò dwat la pandan 40 jou, pou l fè pèp la sonje lane peche yo te fè yo.



7

Pèp la dwe te kòmanse panse Ezekyèl te yon nonm etranj. Li te fè tout sa Bondye te di l fè. Yon jou, li te kale tèt li epi li te boule yon tyè nan cheve li yo. Se te pou li te montre yon tyè nan pèp Jerizalèm nan t apural mouri grangou lè lame babilonyen an ta atake vil la.




8

Ezekyèl te pran yon lòt tyè nan cheve l epi li te frape l ak yon epe. Se te pou li montre yon tyè nan abitan yo t apral mouri anba epe lènmi yo. Ezekyèl te gaye tyè ki te rete a nan van an. Men, li te kenbe kèk cheve nan rad li, kòm yon siy Bondye ta prezève yon ti pòsyon nan pèp li a, ki ta kapab retounen nan Latè Pwomiz la.




9

Pwofèt sa a te di kaptif jwif yo bagay yo te kapab sèlman vin pi mal, pa pi bon pase sa yo te espere a. Pèp la te fache kont Ezekyèl, men li te kontinye preche Pawòl Bondye a. Yon jou, pandan Ezekyèl te chita avèk ansyen yo, Bondye te ba li yon vizyon. Nan vizyon sa a, Bondye te pran l nan cheve epi li te pote l nan Tanp Jerizalèm nan.




10

Nan Tanp lan, Bondye te montre Ezekyèl bagay k ap ranpe, bèt enpi ak zidòl. Bagay sa a pa te dwe janm rive nan Tanp Bondye a.




11

Ansyen yo te adore bagay sa yo olye yo te adore Bondye, ki te montre Ezekyèl glwa li t apral kite tanp lan, epi li t apral detwi. Lè vizyon an te fini, Ezekyèl te rakonte jwif yo li.




12



Tout sa Bondye te di te rive vre. Jerizalèm te detwi. Anpil moun te peri. Lè Juif ki te kaptif nan Babilòn yo te tande sa, yo te mande tèt yo si Bondye te abandone pèp li a pou tout tan.


13

Men, Bondye te voye yon lòt mesaj bay pwofèt li a. Li te mennen Ezekyèl nan yon vale ki te plen ak zo moun sèch.




14

"Pitit lòm nan, èske zo sa yo kapab viv ankò ?" Bondye te mande. "Senyè Letènèl, ou konnen repons lan," Ezekyèl te reponn. Zo sèch pa ka viv ankò.




15

Letènèl di : "Pwofetize sou zo sa yo epi di yo : Zo sèch, koute pawòl Letènèl ! epi n'ava viv." Apre li te fin obeyi, Ezekyèl te tande yon bri mouvman. Ki sa nou panse li te ye ?




16

Pandan pwofèt la t'ap gade ak etònman, kò yo ki t'ap rasanble ansanm, zo pa zo.




17

Apre sa, chè te kouvri yo.



18

Lè sa a, po a te kouvri yo, men yo pa te genyen souf nan yo.




19

Letènèl di, "Pitit lòm nan, pwofetize, epi di : Lespri, soti nan kat van yo, soufle sou moun ki mouri sa yo, epi pou yo viv ankò." Ezekyèl te fè sa, epi lespri te antre nan yo, yo te vin gen lavi ankò, epi yo te leve kanpe sou de pye yo. Yon gwo lame te plen vale a.




20

Bondye te konnen Juif Babilòn yo te pèdi lespwa lè Jerizalèm te fin tonbe a. Li te voye yon mesaj nan yon vizyon Ezezyèl. "Zo sa yo se tout pèp Izrayèl la, Bondye te di. Mwen apral mete Lespri m nan nou epi m ap fè nou retounen nan peyi nou."



21

Ala yon gwo mesaj lespwa Bondye te voye ! Pwomès Bondye Ezezyèl te transmèt yo te vin reyalite lè Juif yo te retounen nan peyi pa yo. Yo te konnen se Bondye ki te fè yo retounen.



22

Ezezyèl, nonm vizyon yo


Yon istwa soti nan pawòl Bondyé-a, la Bib,

Nap jwen-n nan

Ezezyèl

"Pawòl Bondyé poté limyè."
Sòm 119 : 130

23



29

60

24

Istwa bibliik sa rakonté nou kòman ké gen yon mèvyé Bondyé ki kréyé nou é ki vlé pou ou konnen Li tou.

Bondyé konnen ké nou fè mové aksyon ki rélé péché. Pinisyon pou péché sé lanmò. Sèlman Bondyé renmen nou si tèlman ké Li voyé sèl gren-n pitit Li-a Jézi, ki mouri sou lakwa pou nou, dékwa pou Li sa péyé dèt péché nou yo pou nou. Apré sa Jézi té résisité, é Li monté nan syèl la ! Ou men-m tou, si ou kwè nan Jézi é si ou mandé Li ak tout kè-w pou Li padoné péché ou yo, L'ap fè sa pou ou ! L'ap rantré nan lavi-w touswit é wap maché avèk Li pou tout tan.

Si ou kwè ké sa ou fèk sot tandé-a sé la vérité, résité priyé sa : "Sényè Jézi, mwen kwè ké ou sé pitit Bondyé, mwen kwè ké ou té mouri pou mwen épi ou résisité ankò. Tanpri, rantré nan lavi mwen, padoné péché mwen yo, pou mwen sa gen yon nouvo lavi kounyé-a la, konsa lè gran jou-a va rivé, m'a va abité avè-w nan rwayòm ou an pou l'éternité. Edé-m obéyi-w é édém viv pou ou an tan ké pitit ou. Amèn.

Li La Bib ou épi palé ak Bondyé chak jou ! Jan 3 : 16

25